



港九藥房總商會有限公司
HONG KONG GENERAL CHAMBER OF PHARMACY LIMITED

主席, 各位議員/各位同業先進

大家好, 首先自我介紹, 我叫做許肇權, 係港九藥房總商會既副理事長, 就醫管局外判藥房呢件事, 我係代表本會發表以下幾點意見, 首先, 我先表明本會既立場, 係反對醫管局外判藥房既, 理由有以下幾點, 第一本會及業界都認為醫管局轄下醫院藥房外判, 不但無法達到方便病人的最終目的, 反而對病人構成不便。此外, 雖然有關當局建議會限制外判商所經營既數目, 但係仍然會構成壟斷既局面。雖然目前香港有超過 300 間社區藥房, 它門由於缺乏財力物力競投外判藥房既經營權, 最終會受到打擊而面對結業, 後果不但帶來幾千人的失業, 最終受害者都係病人本身, 咁樣係有違以病人利益為前提既條件既。

第二, 本地業界認為, 在各方面既團體才能夠就醫療融資同埋醫藥分家達成若界均能夠接受既方案之前呢, 本會認為最理想既方法係在下列三項大前提下由醫院管理局繼續管理同埋經營醫院轄下既藥房, 呢三項前提就係 (a) 提高藥物名冊既透明度, 將醫管局轄下藥房會售賣既藥物名單同埋售價公佈, 等社區藥房同埋病人知道, (b) 由醫管局對藥物價格進行監控, 醫管局既價格不得大幅低過社區藥房既價格, 咁樣可以俾社區藥房同醫管局處於一個公平競爭既位置, (c) 醫管局在售賣藥物得到既利潤本會認為應該將佢撥入醫管局既慈善基金, 用來資助貧困人士及長期病患者購買藥物。

最後, 本地業界同時希望, 非常希望, 將來醫管局對售賣藥物既模式進行任何修訂的時候, 應該盡量諮詢業界, 多謝各位。